



16. februar 2015

SIUMUT
INATSISARTUT

Inatsisartut suleriaasianni § 37 naapertorlugu matumuuna Naalakkersuisunut imaat-tunik apeqquteqaateqarpunga:

Apeqqutit:

- 1. Naalakkersuisut ilinniarfinnut ingerlariaqqiffiusunut atuartitsinermi ilinniusianik kalaallisoortunik, imaluunniit kalaallit nunaannut inooriaatsimullu naleqqussakkanik sanaartornissamut aningaasaliissute-qarniarpat?**
- 2. Aningaasaliissuteqartoqassappat, aningaasaliissutit qanoq annertutigisappat, qanorlu agguataarneqassappat? Aningaasaliisoqarsimannngip-pat, immikkut allatut ilinniusiat tungaatigut pilersaaruteqartoqarpa?**

(Inatsisartunut ilaasortaq, Vivian Motzfeldt Siumut)

Tunngavilersuut:

Nunatsinni ilinniarnertuunngorniarfiit ukioq atuarfiusoq 2012/13 aallarnerfigalugu nutaamik aaqqissuunneqarput. Aaqqissuussinerup malitsigai: Ilinniarnertuunngorniarnerup sammivinnut assigiinngitsunut agguataarneqarnerat, taamaalilluni ilin-nialersup ilinniarnermi aallartinneraniik siunissami soqutigisaminut nappertutumik ilinniaqqiffigumasallu piumasaqaataanut naleqquttumik qinersereersinnaan-ngerlugu.

Sammiviit assigiinngitsut ilusilersugaapput piginnaasanut assigiinngitsunut, ilinniaqqinnissamullu takorluukkanut piumasaqaatinut sapinngisamik naleqqussagaallutik. Sammiviit ilai nuna qimallugu ilinniaqqinnernut sivisuunut qaffasis-sunullu naleqqussagaapput, ilaali nunarput qimannagu ilinniaqqinnissanut sivikinerusunut piumasaqaatitakinnerusunullu naleqqussagaallutik.

Aaqqissusseqqinnerup malitsigaa meeqqat aturfianiit ilinniarnertuunngorniarfim-mut isernissamut piumasaqaatit appartinneqarneri, tassani soorunami siunertarine-qarluni meeqqat atuarfiannit naammassisut suli amerlanerusut inuussutissarsiu-

tigalugu ilinniakkamik nammassisaqarsinnaasut tunngavissaqalersut suli amerlane-rulersikkumallugit.

Ikerinnakkulli ilinniakkaminnik unitisiinnartartut amerlanersai tassaasarput oqaatsitigut aporfeqarlutik atuarnerminnik artorsartut, tamatumalu malitsigisaannik aamma atuarnerminnik unitsitsiinnartartut.

Tamaammat matumuuna apeqquteqaateqarpunga ilinniarnertuunngorniartarnerup aaqqissuunneqaqqinnerata malitsigisaannik siunnerfiusoq piviusunngussappat, tassa maannamiit suli amerlanerusut tunngaviusumik ilinniagaqalernissaminnut tunngavissinneqassappata. Avaqqunneqarsinnaanngitsut ilagimmassuk amerlaneru-sunik kalaallisut taamatulluunniit nunatsinnut pissutsinut tarrarsortunik ilinniuta-teqarnissaq. ilinniutit ilinniarfinni ingerlariaqqiffiusunut atugassanut immikkut aningaasaliissuteqartoqarsimanersoq taamatullluunniit pilersaartoqarnersoq?

Ilisimatuussutsikkummi ilisimaneqarmat kinaluunniit ilikkalertornerusartoq pissutsit ilisimasat sungiusimasallu aallaavigalugit ilinniarnermi, aamma taamaapoq nammineq oqaatsit atorlugit ilinniakkankik pigiliussineq.

Erseqqissaassutigissavara oqaatsinik allanik ilinniarneq uani mattunneqanngimmat, ujartukakkali tassaammata ilinniusiat atuagarsornikkut immikkut unammilli-uteqartunut annertuumik qaffassaasinnasut. Tassa ilinniusiat oqaatsivut atorlugit allanneqarsimasut.